



Cussegl da vischnaunca 2021/2024

Protocol no. 23

Seduta dils 21-06-2023

Protocol

dalla seduta dil cussegl da vischnaunca,
mesjamna, ils 21 da zercladur 2023, allas 19³⁰ – 22³⁰
Liug: Halla Cons

Presidenta: Helga Probst-Linder

Actuara: Ursina Murer-Fatzer

Presents:

a) Cussegl	Armin Berther Theres Burri Gadola Silvia Bucheli-Caduff Roland Cajacob Adrian Deflorin Edgar Durschei	Adrian Flepp Mario Flepp Larissa Fry Schuster Giusep Lozza Ignaz Venzin
------------	----------------------------------------------------------------------------------------------------------------------	-------------------------------------------------------------------------------------

<i>Perstgisas:</i>	<i>Otmar Flepp Remo Huonder</i>	<i>Armin Manetsch</i>
--------------------	-------------------------------------	-----------------------

b) Suprastonza communala	René Epp Clemens Berther Wendelin Jacomet	Jris Lombris Paul Flurin Schmidt
-----------------------------	-------------------------------------------------	-------------------------------------

c) Canzlist Andri Hendry

d) Cumissiun da
gestiun Sonia Lutz-Schmidt, presidenta
 Curdin Cajacob
 Flavio Murer

e) Hosp: in

Mortoris

Dapi la davosa seduta dil cussegl da vischnaunca ha ei dau dus mortoris;

- Adelheid Huonder-Huonder, naschida ils 12-12-1932, morta ils 18-05-2023
- Gregori Maissen-Tomaschett, naschius ils 05-07-1942, morts ils 23-05-2023

Naschientschas

Dapi la davosa seduta dil cussegl da vischnaunca ha ei dau tschun naschientschas;

- Gabriel Carvalho Neiva, naschius ils 12-05-2023, feagl dad Ana Rita Fernandes Carvalho Neiva e Joao Paulo Ferreira Carvalho Neiva
- Mila Malu Monn, naschida ils 23-05-2023, feglja dad Andrea e Remo Monn
- Madleina Schmidt, naschida ils 25-05-2023, feglja dad Anita e Paul Flurin Schmidt
- Nael Tuor, naschius ils 02-06-2023, feagl dad Ursina e Damian Tuor
- Devin Ilay Flury, naschius ils 04-06-2023, feagl da Silvana ed Andreas Flury

Tractandas:

1. Protocol 22-2021/2024
2. Corporaziun schigentera solara da gliet Cadi: Dissoluziun (messadi 37-2021/2024)
3. Serenera Raveras – Installaziun d'in indrez solar: Project e credit (messadi 38-2021/2024)
4. Plan da finanzas 2023-2032 (messadi 39-2021/2024)
5. Ura da damondas (conform ad art. 44 dil regulativ da fatschentas)

Cussegl da vischnaunca Disentis/Mustér
La presidenta: L'actuara:

Helga Probst-Linder

Ursina Murer-Fatzer



Cussegl da vischnaunca 2021/2024
Protocol no. 23
Seduta dils 21-06-2023

1. Protocol 22-2021/2024

Decisiun:

Il protocol nr. 22 dalla seduta dils 4 da matg 2023 vegn approbaus unanimamein.

Cussegl da vischnaunca Disentis/Mustér
La presidenta: L'actuara:

Helga Probst-Linder

Ursina Murer-Fatzer



Cussegl da vischnaunca 2021/2024

Protocol no. 23

Seduta dils 21-06-2023

2. Corporaziun schigentera solara da gliet Cadi: Dissoluziun (messadi 37-2021/2024)

Presentaziun

Suprastonza:

Gerau Paul Flurin Schmidt:

La fatschenta vegn presentada tenor messadi nr. 37-2021/2024. Ei setracta d'ina corporaziun la quala include las vischnauncas dalla Cadi, numnadamein Tujetsch, Mustér, Medel/Lucmagn, Sumvitg, Trun e Breil. Per quels motivs han tuttas vischnauncas d'approbar ed incaricar la suprastonza dalla corporaziun d'instradar la dissoluziun dalla Corporaziun schigentera solara da gliet Cadi.

Cussegl:

Eis ei pusseivel per las sereneras da schigentar il gliet giu sin 30% dalla humiditad? Cun tgei cuosts da transport da Mustér a Cuera quantan ins e tgei interpresa surpren quell'incarica? Plinavon eis ei da deplorar ch'ina piazza da lavur ei pertuccada.

Gerau Paul Flurin Schmidt:

Era entochen oz han las sereneras gia schigentau il gliet giu sin la valeta da 30%. Ils transports vegnan a custar enzatgei dapli, denton survargan quels buc ils frs. 10.--/tonna. La vischnaunca ha la pussevividad da publicar l'incarica da transport. Pertuccont la piazza vegn ei a dar neginas sperditas. Il cau serenera da Trun ha liquidau entochen oz las lavurs en in pensum da 15% e tenor las informaziuns dils responsabels dalla vischnaunca da Trun uliveschan els il pensum dil causerenera q.v.d che lez salva siu pensum da lavur da 100%.

Canzlist Andri Hendry:

Sco revisur da quen dalla Corporaziun schigentera da gliet Cadi sa el orientar ch'ils transports ein vegni liquidai entochen oz dall'interpresa Beer SA, Rabiis e da Fischer Transporte pils transports specials dalla puorla cun in tanc adattau.

Decisiun:

Sin fundament da sura ponderaziuns conferma il cussegl da vischnaunca unanimamein la proposta dalla radunonza da delegai da dissolver la Corporaziun schigentera solara da gliet Cadi e d'incaricar la radunonza da delegai cun las lavurs necessarias.

Cussegl da vischnaunca Disentis/Mustér

La presidenta:

L'actuara:

Helga Probst-Linder

Ursina Murer-Fatzer



Cussegl da vischnaunca 2021/2024

Protocol no. 23

Seduta dils 21-06-2023

3. Serenera Raveras – Installaziun d'in indrez solar: Project e credit (messadi 38-2021/2024)

Presentaziun

Suprastonza:

Gerau Paul Flurin Schmidt:

La fatschenta vegn presentada tenor messadi 38-2021/2024. Cugl indrez fotovoltaic sa l'atgna producziun d'energia electrica vegnir augmentada da 20.7% sin 66.52%. Ils cuosts d'investiziun muntan a totalmein frs. 174'400.--. Cun risguardar las contribuziuns da Pronovo da frs. 32'350.-- e la producziun d'unviern da frs. 6'050.-- restan per la vischnaunca aunc cuosts nets da frs. 136'000.--.

Negina debatta d'entrada. Ei suonda la deliberaziun en detagl.

Cussegl:

Sch'ins preveda d'alzar ils mirs dalla serenera, ston ins baul ni tard buc era alzar il tetg dil baghetg? Cura vulan ins prender en funcziun igl indrez e tgei schabegia cun la surproducziun dall'energia? Naven da tgei summa sto la vischnaunca risguardar la via da submitziun?

Gerau Paul Flurin Schmidt:

Il project ei vegnius surdaus ad in biro da planisaziun. Ei vegn rendiu attent ch'ins tematiseschi cheu mo la damonda davart la mecanica e buca davart il baghetg. Igl ei previu d'alzar ils mirs dallas tschaffadas per in meter. Quei ei tecnicamein pusseivel senza stuer alzar il tetg. La suprastonza ha, sut la resalva dall'approbaziun dil credit entras il cussegl da vischnaunca, surdau las lavurs all'interpresa BeerBigliel SA. Igl ei la finamira da prender en funcziun igl indrez sin la fin digl onn 2023. Sebasond sin las calculaziuns dall'interpresa BeerBigliel SA, sa tut l'energia vegnir duvrada pigl agen menaschi. Cheutras eis ei buca previu d'installar accus. Per saver far diever dall'energia duront il temps d'unviern eis ei previu d'installar moduls solars vid la fatschada.

Gerau Clemens Berther:

La via da submitziun ha la vischnaunca d'instradar naven d'ina summa da frs. 250'000.--.

Decisiun:

Sin fundament da sura ponderaziuns approbescha il cussegl da vischnaunca unanimamein;

- 1. il project per l'installaziun d'in indrez fotovoltaic alla serenera a Raveras;***
- 2. e da conceder per quei project in credit net da frs. 136'000.--.***

Cussegl da vischnaunca Disentis/Mustér
La presidenta: L'actuara:

Helga Probst-Linder

Ursina Murer-Fatzer



4. Plan da finanzas 2023-2032 (messadi 39-2021/2024)

Avon che presentar la fatschenta surdat la presidenta dil cussegl da vischnaunca il plaid alla presidenta dalla cumissiun da gestiun, Sonia Lutz-Schmidt:

*"Preziada signura presidenta,
preziadas cusseglieras, preziai cussegliers,
preziada suprastanza,
preziau canzlist e preziai tuts*

La cumissiun da gestiun ha giu caschun da prender investa dil plan da finanzas pils proxims onns. L'examinaziun da quels documents ei vegnida fatga a caschun d'ina seduta dalla cumissiun, alla quala era il canzlist Andri Hendry ha priu part e staus a disposiziun per sclariment e risposta a nossas damondas. Plinavon ha la suprastanza communal presentau a nus en la seduta dils 5 da zercladur en detagl ils criteris per sia planisaziun e dau ina cuorta declaronza tier las investziuns planisadas els proxims onns.

Nossa vischnaunca stat vinavon avon grondas investziuns. Legreivel ei che las investziuns el Center Fontauna ein per gronda part gia finanziadas. Il plan da finanzas ei in impurtont mied che muossa en tgei direzziun che nossas finanzas san sesviluppar. Davart investziuns pli grondas decida il cussegl resp. il pievel. Aschia ei il plan da finanzas buca definitiv.

Nus vein priu per enconuschientscha ch'il pievel sefatschenta per ver cun decisiuns parlamentarar che pertuccan las finanzas - actualmein el cass dalla Punt Pendent – e fa diever dils mieds avon maun sco il referendum per sefar sentir. Quei ei il dretg ed igl avantatg dalla democrazia. Buc adina ein ils arguments per prender il referendum facultativ capeivels. Pretensiuns e discussiuns davart cumpetenzas schibein dil cussegl sco dalla suprastanza communal ein en quei cass buca giustificadas. Ei vala da differenziar denter cuosts che vegnan cudischai el quen current sco manteniment e denter investziuns che vegnan menadas el quen d'investziun. Maunca cheu tiel pievel l'informaziun ni il sclariment?

El cass da La Punt Pendent savein nus sincerar che tuttas leschas e tuts regulativs vertents ein vegni risguardai. Ils gremis involvi han retschert las informaziuns a temps per saver decider. Medemamein ei la cumissiun da gestiun vegnida documentada da tut temps ed ad uras cun las informaziuns necessarias. Nus concludin che la consideraziun ed il risguard dalla legislaziun vertenta, denton era l'informaziun ed il sclariment aviert fuorman la basa essenziala per ina collaboraziun denter ils gremis sco era enviars il pievel.

Ils deivets creschan cuntinuadamein. Tuttina ein investziuns necessarias per saver sesviluppar. Stagnaziun munta in retard enviars il futur. Esser cuntents cun investziuns fatgas fuss falliu. Ei vala dad analisar il futur minuziusamein per saver decider tgei investziuns ch'ei absolutamein necessarias e tgei investziuns che portan la vischnaunca vinavon.

Vus – cussegl e suprastanza – sco gremis politics responsabels vegnis vinavon ad esser dumandai dad analisar il svilup futur da nossa vischnaunca, nossa regiun e da menar discussiuns e debattas criticas e fundadas per saver prender las dretgas decisiuns davart investziuns absolutamein necessarias e davart investziuns pil prosperar da nossa vischnaunca.

Pia die era el futur buna peisa sil plan da finanzas ed il preventiv sco impurtonts instruments per in bien futur finanzia da nossa vischnaunca.

*En num dalla cumissiun da gestiun engraziel a Vus per Voss'attenziun.
Sonia Lutz-Schmidt, presidenta".*

Presentaziun

Suprastonza:

President communal René Epp:

Ils presents han retschert ina vasta documentaziun cun tut ils detagls. La presentaziun dalla fatschenta succeda tenor messadi 39-2021/2024.

Il plan da finanzas ei in impurtont instrument da planisaziun. Per saver garantir in saun tenercasa dallas finanzas ha la suprastonza communal definiu entginas directivas internas per la planisaziun. Denter auter las suandontas siat directivas;

1) Il plan da finanzas vegn adattaus annualmein e risguarda ils proxims 10 onns.

2) La basa per la planisaziun da finanzas ei la media dil cash-flow effectiv dils davos 5 quens annuals = "cash-flow en media"

3) Ella planisaziun da finanzas duei tut tenor svilup dalla finanzas vegnir contonschiu in CF planisau denter 75%-100% dil cash-flow en media.

4) L'altezia dallas investiziuns ella facultad administrativa planisadas annualmein duei en media dils proxims 5 onns tier in deivet brut en % dalla sviulta da:

sut 50	buca survargar 150% dil cash-flow en media
denter 50-100	buca survargar 100% dil cash-flow en media
denter 100-150	buca survargar 80% dil cash-flow en media
denter 150-200	buca survargar 60% dil cash-flow en media

5) Ils empres 5 onns dalla planisaziun (1-5) ston las directivas internas vegnir risguardadas. Els onns 6-10 duei la planisaziun d'investiziun mussar tgei investiziuns che spetgan tut aunc la vischnaunca.

6) Il saldo denter las investiziuns effectivas e las planisadas digl onn precedent vegn mintgamai transferius sigl onn da planisaziun.

7) Davart investiziuns extraordinarias che survargan las directivas internas decida il cussegl da vischnaunca sin basa d'ina proposta dalla suprastonza communal. Ina planisaziun da finanzas adequata a liunga vosta sto esser garantida.

Il plan d'investiziun preveda pils proxims 10 onns investiziuns nettas da totalmein frs. 35'217'500.-- (*tschun departaments*).

Plinavon ei la suprastonza communal sefatschentada cun la tematica davart il pei da taglia. La finamira dalla suprastonza ei denter auter da saver sbassar quel annualmein per 2%. Aschia che quel sereducess ils proxims 6 onns sin 98%. Quella reducziun annuala da 2% dil pei da taglia ei gia risguardada el plan da finanzas. Ch'il plan da finanzas ei realistic muossan era las cefras indicativas cantunalas.

Ei succeda la discussiun generala.

Cussegl:

Communicaziun

Suenter il naufragi da La Pendentia renda il cussegl attent che la communicaziun denter ils gremis communal e la populaziun dueigi vinavon vegnir augmentada per cheutras evitar malcapientschas ed informaziuns fallidas.

Projects, sentupada giuvenils

Differents projects vegnan menziunai el plan da finanzas. Tgei strategia han ils responsabels per la realisaziun da quels (*attractivita dil vitg, areal Cons eav.*)?

Denter auter ei la suprastonza s'entupada cun la generaziun giuvna per evaluar siu basegns. San ins gia presentar in ni l'auter giavisch che sa vegnir realisaus?

Pei da taglia

Co planisescha la suprastonza la reducziun annuala dil pei da taglia da 2%. Prevedan ins dad ir onn per onn cun ina votaziun avon il pievel ni san ins instradar ina votaziun globala cun la finamira d'ina reducziun dil pei da taglia da 98% entochen igl onn 2029? Ei vegn menziunau che la situaziun finanziaria lubess medemamein ina reducziun directa dil pei da taglia sin 98%.

En quei cass succedessen las investiziuns previdas tenor plan da finanzas enstagl enteifer diesch onns allura enteifer 11 onns.

Entginas vuschs beneventan da reducir il pei da taglia pass per pass ed engrazian alla suprastonza ch'ella ha tematisau il fatg e presenta ussa la strategia leutier. Medemamein dat ei sin palancau cantunal activitads da sbassar il pei da taglia. Cheu eis ei buca d'emblidar ch'il pei da taglia communal sebasea sil pei da taglia cantunal.

Directivas, plan d'investiziun

Ins ei dil meini che la mesira sis meini tier in falliu maletg davart la situaziun finanziaria. Il cussegl sto esser pertscharts ch'el ha d'agir sil pli tard tier la tractaziun dil preventiv e dil plan d'investiziun. Davart il transfer da credits buc acceptai dils gremis cumpetents regia ina certa sceptica.

In exempel ei il credit da La Pendentia da frs. 390'000.-- che ha fatg naufragi avon il pievel gest muort il buordi financial communicau pils proxims onns. Cun quella mesira savess gest quei credit vegnir transferius per in'autra investiziun quei ch'ei grev da capir.

Ei vegn supplicau da motivar la planisaziun 2024 tenor plan d'investiziun sco quei secumprova cun las mesiras ch'ei vegnidas definidas. Dapresent vegn calculau cun investiziuns da 7.6 milliuns francs. Sch'ins abstrahescha uss ils 2.8 milliuns francs ch'ei vegni concedi supplementarmein pil Center Fontauna, sche resulta ina differenza che va buc a prau cun las mesiras definidas dalla suprastonza q.v.d il resultat ei in bien ton sur ils 80% dil cash-flow planisau. Il cussegl ha buca concediu credits supplementars e cheutras corrispunda il resultat buc allas directivas.

Traffic, fermadas da bus

Igl ei previu d'impunder rodund dus milliuns francs per fermadas da bus. Tgei impurtonza han quellas fermadas ed ei il sutpassadi da Segnas cumprius en quella summa?

President communal René Epp:

Communicaziun

La communicaziun denter vischnaunca e populaziun sto vegnir meglierada cuntinuadamein. Da quei fatg ei responsabels cunscients.

Projects, sentupada giuvenils

Ils resuns e giavischs ord la sentupada comunabla cun la giuventetgna prendan ils responsabels serius e persequiteschan ils fatgs per anflar bunas soluziuns. Per quels motivs ei ins en stretg contact cun ils uffecis sco era iniziants privats per saver prender en mira in ni l'auter giavisch.

Pigl onn 2023 eis ei previu d'analisar da rudien il baghetg communal e da prender a temps las mesiras necessarias. Pertuccont il terren curtin Hess ha la suprastonza gia fatg in'offerta. Ils proprietaris ei promts da discussiunar cun la vischnaunca, denton decidan els il tempo e la procedura. Tenor la suprastonza eis ei impurtont da buca far pressiun. Tut ils projects previ e menziunai vegnan presentai al cussegl a temps. Actualmein ei negins projects definitivs.

La mesira Cons preveda da crear in liug attractiv per famiglias, giuvenils e seniors. Igl areal da Cons ei in liug adattau per realisar differentas attracziuns pil temps liber (*indoor sco outdoor*). Detg auter, quei liug duei daventar in liug da sentupada da tut temps. Plinavon vulan ins involver fermamein las puschidas dalla Biblioteca populara sco era dalla Ludoteca.

Pei da taglia

Pertuccont la reducziun dil pei da taglia e co agir en caussa ei responsabels en stretg contact cugl uffeci da vischnauncas. Ina singula votaziun per quella reducziun da mintgamai 2% per onn ei tgunsch grev realisabla. La decisiun definitiva vegn tractandada mintgamai cul preventiv. Sche lez lubescha, sa la suprastonza proponer da far la reducziun giavischada. Ils effects davart la reducziun dil pei da taglia gia succedida vegnan ins ad encorscher els proxims onns. Ils motivs pils buns quens dils davos onns ei d'attribuir allas entradas ord taglias specialas ed entradas d'energia.

Directivas, plan d'investiziun

La mesira sis ei in impurtont mied per astgar transferir mintgamai il saldo buca duvraus tenor planisaziun. La planisaziun cun risguardar las directivas internas va mintgamai sur 5 onns e ha da far nuot cun credits concedi ni buca. Aschia sto il saldo annual che sedat denter las investiziuns effectivas e planisadas mintgamai vegnir transferius sigl onn proxim, autruisa

havessen nus per la planisaziun dallas investiziuns zacu buca avunda mieds finansials. Quei ei vegniu capiu falliu. Ils davos dus quens annuals ein stai fetg buns e sebasond sin la situaziun finanziaria ha la suprastanza communal decidu da vuler contonscher igl onn 2023 pils proxims diesch onns in cash-flow (*atgna finanziaziun*) da 90% dil cash-flow en media dils davos tschun onns e quei annualmein. Actualmein ein quei en media 2.1 milliuns francs (2023). Annualmein astga la suprastanza far investiziuns en l'altezia dad 80% dil cash-flow en media. Quei vul dir ch'ei astga vegnir fatg annualmein investiziuns dad 1.8 milliuns francs. Sebasond sin la directiva interna tenor messadi pagina 2 nr. 4 semovin nus tier in deivet brut denter 50-100% dalla sviulta. Aschia astgan las investiziuns pils proxims tschun onns actualmein ed annualmein buca survargar 100% dil cash-flow en media. La suprastanza ha en sia calculaziun actuala quintau cun 80% dil cash-flow en media. In exempel; la sanaziun dalla serenera cuosta alla vischnaunca igl onn 2025 1.5 milliuns francs. Lu restassen quei onn aunc als responsabels frs. 300'000.--. Ina summa da frs. 300'000.-- tonscha denton buca da far tuttas investiziuns necessarias. Perquei eis ei decisiv da saver transferir il saldo sil proxim onn. Autruisa vegness la vischnaunca da far neginas investiziuns pli sco per la via forestala, la meglieraziun funsila e la serenera (*il spazi dad 1.8 milliuns francs fuss gia duvraus si*). Cun calcular gia ussa mo cun 80% ein ils responsabels dalla vart segira. El mument ch'ei sedattan caussas extraordinarias ei la suprastanza obligada dad ir tiel cussegl pil credit (*directiva 7*). Mirau igl exempel Center Fontauna, sche la vischnaunca investescha uonn mo dus milliuns francs eis ei impurtont da saver transferir ils ulteriurs dus milliuns francs sil proxim onn da planisaziun. Cun 19.8 milliuns francs pils proxims tschun onns vegnin nus da tener en tuttas cefras da clav dil cantun. La vischnaunca survarga ni ils frs. 5'000.-- deivet per habitont sco era survarga la vischnaunca buca in deivet brut sur 150% dalla sviulta (*quota deivets bruts enviers entradas*). Quei ei decisiv pils proxims tschun onns. La vischnaunca basegna il saldo ch'ei buca vegnius impundius per l'investiziun previda per il proxim onn da planisaziun. Grazia a quei sistem sa la vischnaunca supportar tut las investiziuns pils proxims tschun onns. Ils deivets vegnan a crescer ils proxims onns, denton la planisaziun dat als responsabels la segirtad da manischar las finanzas ad ina moda sanadeivla. Per vegnir anavos tiel Center Fontauna. Muort ils buns quens dils davos onns sa la vischnaunca gia prefinanziar ina gronda part dall'investiziun dil Center Fontauna. Quei ei positiv e dat als responsabels la perspectiva per saver far dapli investiziuns. En menders temps nua ch'il cash-flow ei pli bass vegn la vischnaunca a stuer planisar pli paucas investiziuns. Sch'ils deivets bruts semovan p.ex. sur 150% dalla sviulta, astgan las investiziuns buca survargar 60% dil cash-flow en media. Per aschia p.ex. saver amortisar da l'autra vart ils deivets culs 40% dil cash-flow restont. Cun quei instrument semovan ils responsabels en direcziun segira.

Exempel credit La Punt Pendent

La planisaziun da finanzas ha da far nuot cun la concessiun da credits. Sche la summa da frs. 390'000.-- figurava ella facultad administrativa sco investiziun planisada e vegn ussa buca duvrada lu fuss quella summa ida el saldo total da planisaziun. Quel vegn transferius - independentamein dalla realisaziun dils projects - sigl onn da planisaziun proxim. Ils responsabels astgan planisar investiziuns tenor summa da planisaziun. Decisiv per la summa d'investiziun ei la planisaziun e las siat directives.

Traffic, fermadas da bus

En connex cul traffic succeda in augment da cuosts per saver colligiar meglier ils uclauns cul center. La calculaziun dallas contribuziuns cantunalas succeda tenor diember da habitonts els uclauns. Medemamein ei il cantun lundervi da possibilitar e meglierar il traffic public en nossa vallada cun silmeins schar cursar in bus el tact da mes'ura entochen Tujetsch. Quei project presentan ils responsabels cantunals egl onn proxim. Pertuccont il transport da notg, ch'ei dapi biars onns succedius entras il bus da notg Steila Surselva, vegn medemamein il cantun a surprender il tgamun. Ils responsabels prevedan da schar cursar in bus da notg cunzun durant las fins d'jamna (*p. ex 22⁰⁰ - 03⁰⁰*).

Canzlist Andri Hendry:

Ils cuosts da personal sebasan sin in augment annual dad 1%. Il credit per La Pendent figurava el quen da gudogn e sperdita. Las entradas da taglia sebasan sin cefras da clav. Tiel commerci d'energia eis ei strusch pusseivel da tener il nivel dils davos onns. In aspect ch'ei da perseguir ei il svilup dallas amortisaziuns sebasond sil model da quen HRM2. Ils termins per differentas amortisaziuns ei vegnius prolungius considerablamein, aschia che quella posiziun crescha onn per onn, oravontut sch'ins investescha. Aschia ei la strategia da luvrar cun prefinanziaziuns oravontut tier investiziuns pli grondas da beneventar.

Pei da taglia

Tenor igl uffeci da vischnauncas eis ei pauc realistic da prender ina decisiun dil pievel en connex cul sbassament dil pei da taglia pils proxims 10 onns. Quei agir fuss buca responsabels. La damonda ei plitost da tgei indicatur, da tgei resultat prendan ins la decisiun da far ina reducziun dil pei da taglia ni buca? Las sulettas cefras ch'ei enconuschent als responsabels ein quellas dil vargau. Cheutras vegn ina votaziun annuala dil pei da taglia ad esser la via correcta. Quella sa vegnir instradada duront igl onn ora ni tier la tractaziun dil preventiv. Usitadamein croda la decisiun dil pei da taglia sin basa dil preventiv.

Gerau Wendelin Jacomet:

Traffic, fermadas da bus

Igl ei previu d'adattar las fermadas dil bus local, numnadamein a Davos-Mustér, miez il vitg, anteriur Hotel Cucagna ed ad Acla da Fontauna. Las adattaziuns succedan tenor las prescripziuns ella lescha davart ils dretgs per persunas cun impediments. Quellas fermadas ein vegnidas definidas en concordanza cun la polizia da traffic. Igl ei impurtont d'inoltrar ils projects previ entochen la fin digl onn 2023 per aschia segirar las contribuziuns cantunalas che muntan 60% dall'investiziun. La realisaziun dallas fermadas sa succeder enteifer quater onns, pia entochen igl onn 2028.

Pertuccont il sutpassadi a Segnas ein ils responsabels en stretg contact cun ils responsabels dalla Viafier MGB. In'uatga ei prevedida ils 12 da fenadur 2023 a Segnas.

Decisiun:

Sin fundament dallas ponderaziuns menziunadas ha il cussegl da vischnaunca priu enconuschiantscha dil plan da finanzas 2023-2032.

Cussegl da vischnaunca Disentis/Mustér
La presidenta: L'actuara:

Helga Probst-Linder

Ursina Murer-Fatzer



5. Ura da damondas (conform ad art. 44 dil regulativ da fatschentas)

Ina damonda a scret ei vegnida inoltrada dalla presidenta dil cussegl da vischnaunca Helga Probst-Linder en connex cun la reservaziun dalla sala Center Fontauna.

Gerau Clemens Berther:

L'aggiunta dil menaschi Center Fontauna ha fixau ils prezis per l'affittaziun dalla sala. La publicaziun el Fegl official dalla Surselva succeda venderdis, ils 23 da zercladur 2023. Ei vegn dau la pusseivladad d'annunziar igl interess entochen ils 9 da fenadur 2023.

Ulteriuras informaziuns ord il Center Fontauna

Il local polisportiv stat a disposiziun ad in e scadin naven dall'entschatta da fenadur 2023. Ensemen cun il president communal da Tujetsch prevedan ins ina tariffa per indigens, seigi quei pil Center Fontauna ni era pil Bogn Sedrun. Quei sa pil mument mo vegnir fatg denter las duas vischnauncas da Mustér e Tujetsch, cunquei che Tujetsch ha ina purschida semeglionta a quella da Mustér.

Caffetaria

Las lavurs en caffetaria ein ton sco terminadas. Sulettamein igl indrez per l'acustica ha aunc da vegnir furnius e montaus.

Tetg Center Fontauna

Dapi in temps ein ils tetgs dil center scuvretgs. Quei ha denton da far nuot cun la planisaziun dalla cumissiun da baghegiar dil Center Fontauna. Pigl indrez fotovoltaic ei la Repower responsabla ed exequescha quellas lavurs en atgna reschia. Il Center Fontauna ha in contract cun la Repower. El mument ch'il center sa retrer energia, lu pagan ins per quella frs. 0.15/kWh per l'energia solara e quei duront 25 onns. Suenther ils 25 onns s'auda l'ovra alla vischnaunca. Less la vischnaunca denton desister da quell'ovra, sche ha la Repower da baghegiar anavos igl indrez. In'otra pusseivladad ei denton era da prolungir il contract. Las lavurs da montascha ha l'interpresa BeerBigliel SA retschiert gest dacuort. Sche la furniziun dils pennels succeda a temps, duessen ils tetgs dalla halla da tennis e Center Fontauna esser cuvretgs avon gl'unviern 2023. La fatschada enviers sidvest duei vegnir cuvretga duront il temps d'unviern.

Halla da tennis

Sin la fin digl onn duess il plantschiu esser cuvretgs. Il concept dalla halla da tennis ei vegnius elaboraus en concordanza cul president dil club da tennis, Ronny Zanin e dil meister giugadur da tennis, Nic Dermon.

Halla da reiver

En la cumissiun speciala per la halla da reiver prendan part; Giusep Lozza, Gion Hosang e Rita Christen (*presidenta dils guids da muntogna Svizzers*) e Paul Senn (*responsabel per las hallas da reiver Cuera*). Pia personas versadas e dil fatg.

Pumppark

Cheu spetgan ils responsabels aunc la lubientscha da construcziun. Silsuenter san las lavurs vegnir surdadas a Velosolutions per la realisaziun.

Finanzas

Il Center Fontauna ha in credit da 10.6 milliuns francs. 8.6 milliuns francs ha il pievel concediu. Entochen oz ein pagaments da 6 milliuns francs flessegiai. Per 9.2 milliuns francs han ins surdau lavurs. Cheutras restan aunc dil credit 1.4 milliuns francs.

La Corporaziun d'aua Spina da Vin ha mess en mira da crear ed installar ina fontauna avon l'entrada dil center.

El proxim temps vegn la damonda da baghegiar en connex cun in magasin da material publicada.

Damonda a moda semplia

Vicepresident dil cussegl da vischnaunca Ignaz Venzin:

Deplorablamein ha il credit per La Pendentata fatg naufragi avon il pievel. Ei la suprastanza communalà gia sefatschentada co sustener vinavon quei unic project? Seigi quei entras bunas relaziuns, buns contacts per recaltgar ils daners che mauncan aunc per la punt.

President communal René Epp:

La suprastanza communalà sefatschenta en la proxima seduta davart las conclusiuns dalla votaziun. Finanzialmeins dat ei claraments negin sustegn pli dalla vischnaunca.

Informaziuns

Cussegliaer Roland Cajacob:

La nova purschida dil Center Fontauna "Missiun Cristalla" ei vegnida iniziada dalla Banca Raiffeisen Cadi en connex cun siu giubileum da 100 onns. La vischnaunca sustegn medemameins la purschida e la gronda part vegn finanziada dalla banca. Ei setracta cheu dad ina fuorma da catscha da scazi che meina atras Mustér. L'avertura dall'aventura e l'informaziun pils representants da pressa ha liug mesjamna, ils 28 da zercladur 2023, allas 13⁰⁰ el Center Fontauna. Silsuenter vegnan duas gruppas ad absolver la runda ed entuorn las 17⁰⁰ vegn igl aperitiv ad haver liug. Igl event vegn fotografaus per aschia haver material da reclama.

Gerau Paul Flurin Schmidt:

La stadera el center da rimnada a Raveras ei per immediat en funcziun. Cheutras han ins la pusseivladad da deponer ils rufids blocconts da tut temps.

Geraua Iris Lombris:

La vischnaunca organisescha era uonn la fiasta digl emprems d'uost e quei cun in program delectond e variont. Ei fa plascher da beneventar alla festività cussegliera e cussegliera cun lur famiglias.

President communal René Epp:

La direcziun communalà ha decidu da metter a disposiziun WLAN en halla Cons.

Communicaziuns

Presidenta dil cussegl da vischnaunca Helga Probst-Linder:

- ils 8 da fenadur 2023 ha liug il Rheinquelle Trail.

La proxima seduta dil cussegl da vischnaunca ha liug venderdis, ils 15 da settember 2023.

Cussegl da vischnaunca Disentis/Mustér
La presidenta: L'actua:ra:

Helga Probst-Linder

Ursina Murer-Fatzer